

Protocol no. 44**Sezzüda da lündeschdi, 4 schner 2010, 20.00 – 22.45**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 43 da la sezzüda da lündeschdi, 22 december 2009 vain approvà.

367 620 VIAS E PLAZZAS
Piket da vias

Il Cussagl cumünal vain fat attent cha las vias deiran sur Festas fin davo Büman, impustüt aint in Plaz, in ün nosch stadi. I's vaiva schaschins da chaminar ed eir il ir cul auto d'eira privlus. Avant ün on as vaiva fabbrichà sü ün piket da vias ingio cha minch' ün vaiva cleras incumbenzas. Implü vain giavüschà cha cun rumir naiv gnia dat pisser dals bügls.

Il Cussagl cumünal piglia las intimaziuns a cogniziun ed i gnarà dad uossa davent delegà e controllà l'examinaziun da quellas incumbenzas plü net e plü precis. Ils respunsabels as occuparan culla chosa.

369 ORIENTAZIUNS

Collavuraziun ESTAG - Posta

Il capo orientescha cha las trattativas culla Posta a regard collavuraziun posta - turissem sajan sün buna via. Il böt es chi's gnia ad üna soluziun per la mità da l'on. L'idea chi sta davo quist proget es da mantegner üna posta cun üna sporta cumpletta e da cumbinar quai cull' infuormaziun turistica.

Campadi aint in Palüzot

Il Cussagl cumünal es gnü fat attent ch'aint in Palüzot saja parcà ün camper, aint il qual vain eir dormi. Tenor il Cussagl cumünal nun es quai admiss. Il prosequimaint vain scleri giò culla pulizia chantunala.

Diversas ruottadüras da lingias d'aua

Il schef d'aua orientescha cha sur Festas haja dat trais ruottadüras da lingias d'aua (Surataglia, Archas e Palüzot).

Società Randulins da Sent

Il Cussagl cumünal piglia cogniziun da la dumonda da sustegn per pudair salvar ils monumaints da las fossas privatas a Sent. La dumonda as drizza a la CCC OEE (chascha dals 5 % dals fits d'aua).

1

VARIA

NEF grischuna

Sün dumonda da gnir commember dal comitè “Schi a la NEF grischuna” decida il Cussagl cumünal, causa chi’s tratta d’üna materia cun grond volüm, da spettar giò l’orientaziun dals 12 schner 2010 a Lavin e da trattar quai amo üna jada.

L’actuar: